

Okwukwo izi  
ke Ebo  
Polu gbaznenu  
Ele Teshalonika

**Nhne gbasiri** okwukwo izi ka

Polu panizoru notunu Chiokike mmamma kwnornu okwnata mkpoma nu owhnun'anya ele Teshalonika ke nooso oso ige obula (1:3). O bu n'ezi nu be naagawhe agida mmekpehni, Polu naakanu be nu Chiokike notule okwnata mkpoma be nwernu nu hne o zi, o za naata be awhnwhnu (1:4,5).

Be whnuru okwukwo izi ke otu badnu karu nu Polu gbaru, ke nookwu nu Nyenwe ai valem (2:2). Kovu Polu notodo be aka nu nsni be kweko nye obula duwhu be, kwnornu nu Nyenwe ai java tem "nye ojo wam" whuya iwhne (2:3).

Polu jiri okpukpe mesni okwukwo izi ka (3:16).

**Nhne zi** n'okwukwo izi ka

Obekwu ikwu (1:1,2)

Otu mmamma nu okpukpe (1:3-12)

Nyenwe ai yaavage (2:1-12)

Buru nye be kwesiri okwnata mkpoma (2:13-17)

Kpe okpukpe, rnu masi ernu (3:1-15)

Okpukpe ipne-aznu (3:16-18)

<sup>1</sup> Mawa, Polu, nu Sailasi nu Timoti naagba okwukwo gbaznenu ogbako Chiokike ke zi nu Teshalonika, anu ele Chiokike Nda ai nu Nyenwe ai Jizosi Karaisi. <sup>2</sup> Oru nu udno ke hi n'aka Chiokike Nda ai nu Nyenwe ai Jizosi Karaisi dazigidnenu anu.

Ọtu mmamma nọ okpukpe

<sup>3</sup> A kwesiri nọotunu Chiokike mmamma nọ risi anọ ige ọbula, ke kakwo kwnornu nọ ọkwnata ovu anọ nooso oso kpakara ọbochi lele kpa ọwhnun'anya anọ nooso masi oso n'ehni ibne anọ. <sup>4</sup> A ji anọ noolu ọnu n'esilawuru ọgbako Chiokike kwnornu nọ ọkwnata ovu anọ gwuzo kwem nọ ruwhnu ọkpakna ehni nọ nhne ọrnurna anọ naagawhe.

<sup>5</sup> Ka neegesi nọ ikpe Chiokike zị snam, ke kpayaru, be jọogwnusi anọ nọ ele kwesiri ọ bna ẹli-eze Chiokike ke anọ kwno naata awhnwhnu. <sup>6</sup> Chiokike bu nye zị snam. O jaakpakna ele naakpakna anọ ehni. <sup>7</sup> O jeeme anọ ele be naakpakna ehni zukwaru inwe, ma aila masi. Ka jọobu nga Nyenwe aị Jizosi jaava hite n'oligwe, ya nọ ele enine izi a zị rikne nọ lele bekwnu noowu va-a-a. <sup>8</sup> Ọ jaata kpakara ele maa Chiokike awhnwhnu nọ ele za noobno nsni izi oma gbasiri Nyenwe aị Jizosi. <sup>9</sup> Ọ jaata be awhnwhnu ọkwnukokwnu, chima be nọ ruwhnu Nyenwe aị nọ igwugwu ke iknernema a. <sup>10</sup> N'ọbochi ọ jaava, ele ke a zị nsọ nọ kpakara ele kweru nọ ya jeenye a igwugwu, jaa a mma. Anọ joosno ele kweru ekwe kwnornu nọ anọ kweru izi oma a znirni anọ.

<sup>11</sup> Ka bu nhne a vu n'ovu neekpenu anọ okpukpe ige ọbula, ma Chiokike aị gwnusi anọ ele kwesiri osukwu ikwu a, hite n'iknernema a mee kpakara nhne oma anọ vu n'echiche mezu nọ kpakara nhne anọ neeme buru nhne hi n'okwnata ovu. <sup>12</sup> Ka bu ma be znarni rewhna Nyenwe aị Jizosi kwnornu nọ anọ, ma anọ kwnornu ya, hite n'oru Chiokike aị nọ Nyenwe aị Jizosi Karaisi.

## 2

*Badnu wam*  
ke noolulu Iwu

<sup>1</sup> Nhne gbasiri oвуva ke Nyenwe aḡ Jizosi Karaisi nḡ kpa a jeeznekwonusi a, a naariasno anḡ rḡmu nda aḡ, <sup>2</sup> mkpoma lḡko anḡ mini, ogwnu tḡko anḡ kwnornu agwna izi owhnurninya, mḡbu izi berere, mḡbu okwukwo izi be naakaa nḡ a gbarḡ, ke naakaa n'obochi Nyenwe aḡ jeehiehna whelem. <sup>3</sup> Anḡ kwé nye obula duwhu anḡ n'apna obula, kwnornu nḡ obochi Nyenwe aḡ jeehiehna jáava tem okne olulu wam nḡ nye wam noolulu iwu va. Nye wam bḡ nye Chiokike jaata awhnḡwhnu okwnukokwnu, <sup>4</sup> O joovulizo eḡni a olu megidne kpakara chi ele badnḡ neekpenu. O joogwuzote eḡni a n'Oro Nso Chiokike kaa nḡ o bḡ Chiokike.

<sup>5</sup> Anḡ chenwanya nḡ m kannḡ m anḡ nhne ka nga me nḡ anḡ zi. <sup>6</sup> Anḡ magwḡ nhne noobnosni a ma o gharḡ o whḡya iwhne kḡtna, kḡvu be jeegesi nye ojo wam n'ige kwesiri. <sup>7</sup> Kwnornu nḡ rikne nye wam noolulu iwu noornu eḡnu nḡ mgwugwa kḡtna, kḡvu nye wam ke noobnosni a jaazi koriri noobnosni a tem be gweme a n'apna. <sup>8</sup> Ige wam be jookpume nye wam noolulu iwu, nye Nyenwe aḡ Jizosi jeeji inwe ke onu a gbu nḡ hite n'onwu va-a-a ke oвуva a. <sup>9</sup> Nga nye wam noolulu iwu jaava, Ekwensu jeegesi eḡnu ndu-eḡni o kpahie anya zi odo n'odo nḡ nhne elekema nḡ eḡnu tḡ n'anya, <sup>10</sup> nḡ kpakara eḡnu ojo o jeeji nooduwhu ele noonwu onwu. Be whu etekne kwnornu nḡ be kwéle o kweru ezi oka ma Chiokike znḡhia be. <sup>11</sup> Kam kpayarḡ, Chiokike ziznenu be rikne o mee nhne búo oma ma be kweru aghalaghala, <sup>12</sup> ka bḡ ma kpakara ele kwéle o kweru ezi oka, ele whnurnu aruru-eḡi n'anya buru ele ikpe Chiokike marnḡ.

#### *Gwuzosi rikne*

<sup>13</sup> Kḡvu a nootunu Chiokike mmamma ige obula kwnornu anḡ rḡmu nda aḡ, ele Nyenwe aḡ whnurnu n'anya. Hite n'opanizo, Chiokike hoḡiaru anḡ ma o znḡhia

anụ hite n'ernu Enine Nso ke neeme anụ ziri nso, kwnornu nụ anụ kweruru ezi oka. <sup>14</sup> Kam kpayaru, o sukuru anụ hite n'izi oma aị, ma anụ kehia igwe n'igwugwu Nyenwe aị Jizosi Karaịsi. <sup>15</sup> Rumu nda aị, anụ gwuzoru kwem, anụ jikwasi nhne a znirni anụ rikne, hite n'ikwu-onu mọbu okwukwo izi a gbarụ.

<sup>16</sup> Kịtna, Nyenwe aị Jizosi Karaịsi n'iwuru a nụ Chiokike Nda aị, nye whuru nụ aị n'anya, hite n'oru o nyernu aị nụ olile anya buru oma, mee a gwuzosi rikne, <sup>17</sup> gba anụ inwe, mee anụ gbasị rikne nụ kpakara ernu oma nụ ikwu-onu.

### 3

#### Anụ kpenu aị okpukpe

<sup>1</sup> Ke ipne-aznụ, rumu nda aị, anụ kpenu aị okpukpe ma izi Nyenwe aị gbasị k'agida, nwernu masị igwugwu a lele kpa o zị n'esilawuru anụ. <sup>2</sup> Kpe masị ma Chiokike dōhia aị n'aka ele ojo nụ ele aruru-eli, kwnornu nụ o buo kpakara badnụ nwernu okwnata ovu. <sup>3</sup> Kovu Chiokike bu nye kwesiri okwnata ovu, o jeenye anụ rikne, kpusni anụ hite n'aka nye ojo wam. <sup>4</sup> A tukwasiri Nyenwe aị mkpoma nụ anụ zị koriri neeme neezne nụ ruwhnu kpakara nhne a nyernu anụ n'iwu. <sup>5</sup> Nyenwe aị duru mkpoma anụ dū n'owhnu n'anya Chiokike nụ osnuta mkpoma ke zị nū rime Karaịsi.

O dō aka nū nsni  
gbasiri ime mgwu

<sup>6</sup> Rumu nda aị, a ji rewhna Nyenwe aị Jizosi Karaịsi neenye anụ iwu, anụ zeru nnwo nda obula ke bu nye ime-mgwu, nye za noowu budnu lele kpa nhne a znirni anụ. <sup>7</sup> Kwnornu nū anū magwu kpa anū kwesiri o snornu nhne atū aị. A buo ele ime-mgwu nga aị nū anū zị. <sup>8</sup> A rige wiri nye obula ke a kwula ogwo. Tnūnuma, a dogburu ehni

ai n'ernu iwhnehnie nu abali, nonnu ernu ma a gharu o buru ivu rinya nyee anu. <sup>9</sup> Ka buo nu a nwée rikne nahoru anu nhne, kovu ma a buru ele anu joomuhia nhne n'aka be. <sup>10</sup> Nga ai nu anu zi, a znirni anu nhne ka, “O buru nu nye obula jornu ernu, o ri wiri.”

<sup>11</sup> A nonnu nu agwna ele badnu dazi etekne, be mee nhne obula, ele nookwu oka gbasila be. <sup>12</sup> A ji rewhna Nyenwe ai Jizosi Karaisi neenye be iwu, be gbasu rikne, rnuhia nhne be jeeri. <sup>13</sup> Rikne gwu anu rumu nda ai n'ome nhne buru oma.

<sup>14</sup> Nye obula ke za naabita nhne a gharu n'okwukwo izi ka, anu hnata nye wam ama. Anu nu nye wam meko nhne obula, ma iwhnerne tu a. <sup>15</sup> Kovu anu mee be ele irno anu, anu zni be ezni lele rumu nda.

*Obekwu ikwu ipne-aznu*

<sup>16</sup> Kina, Nyenwe ai ke udno n'iwhuru a nyee anu udno ige obula n'apna obula. Nyenwe ai dazigidnenu kpakara anu.

<sup>17</sup> Mawa, Polu, ji aka m gba obekwu ikwu ipne-aznu ka. Ka bu nhne neegesi nu mawa gharu obekwu ikwu ipne-aznu ke me gharu.

<sup>18</sup> Oru Nyenwe ai Jizosi Karaisi dazigidnenu kpakara anu.

## Ṭṣitamenti Ikne n'Ọnu Ikwere New Testament in Ikwere

copyright © 2010 Wycliffe

Language: Ikwere

Translation by: Wycliffe

Ikwere – (ikw) Nigeria

The Iwerre language of Nigeria can also be spelled Ikwere and Ikwerrri. This language is spoken primarily by the Ikwere people who live in the Rivers State of Nigeria and is one of the many ethnic groups in the Niger Delta. There were more than 23,000 speakers of this language in 1973. There is also a considerable local interest in literacy and grammar.

### Copyright Information

© 2010, The Nigeria Bible Translation Trust. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789076369

New

The New Testament

in Ikwere

**© 2010, The Nigeria Bible Translation Trust. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

Updates

eBible.org

---

PDF generated using Haiola and XeLaTeX on 17 Nov 2018 from source files dated 24 Oct 2018

c17ee3a1-1c7a-5c05-8e0f-5043e8228d89